

Mbjellja dhe Ushqyerja e Fjalës së Perëndisë në Zemrat Tona

Mbjellja e farës

Lexo tek Alma 32:21–23, 26–30 dhe shenjoji fjalët dhe frazat që të ndihmojnë ta kuptosh se si të fillosh ta rritësh një dëshmi.

Tregoja grupit tënd fjalët dhe frazat që të bënë përshtypje dhe pse. Pastaj diskutojini pyetjet vijuese:

- Çfarë mendon se do të thotë të “bë[sh] vend” në zemrën tënde për Shpëtimtarin dhe mësimet e Tij?
- Çfarë mund t’ua bëjë të vështirë njerëzve që ta bëjnë këtë?
- Sipas vargjeve 28–30, çfarë mund të ndodhë kur ne bëjmë vend në zemrat tona për Jezun Krishtin dhe mësimet e Tij?

Shkruaje një përmbledhje me një fjali të asaj që mësove nga këto vargje rreth ndihmesës ndaj dëshmisë sate në fazat e saj fillestare.

Ushqyerja e farës

Alma dha mësim se mbjellja e farës dhe zbulimi se është e mirë, është vetëm pjesa e parë e rritjes së një dëshmie. Lexo tek Alma 32:37–43, duke kërkuar mësimet që të ndihmojnë të kuptosh se si ta ndihmosh një dëshmi të vazhdojë të rritet.

Tregoja grupit tënd fjalët dhe frazat që të bënë përshtypje dhe pse. Pastaj diskutojini pyetjet vijuese:

- Çfarë mësove nga vargjet 38–40 rreth asaj që ndodh nëse ne e lëmë pas dore fjalën e Perëndisë që është rritur në zemrat tona?
- Cilët janë disa shembuj të mënyrës se si dikush mund ta lërë pas dore dëshminë e tij ose të saj për Jezun Krishtin dhe mësimet e Tij?
- Cilat janë disa mënyra se si ti mund ta ushqesh dëshminë tënde për Jezun Krishtin dhe ungjillin e Tij për të të ndihmuar të bëhet më i fortë?

Shkruaje një përmbledhje me një fjali të asaj që mësove nga këto vargje rreth forcimit të një dëshmie që po rritet tashmë brenda teje.
